

正法華經



百三十一
在九

48090



元祿九年丙子二月日重修

皇圖聖圖 帝潛銀昌

佛日增輝 懋輪崇轉

山城州天安寺法金剛院置



正法華經卷第九

西晉三藏竺法護譯

在

正法華經歎法師品第十九



尔時世尊告常應時菩薩大士若族姓子族姓
女受是經典持讀書寫當得十眼功德之本八
百名稱千二百耳根千二百鼻根千二百舌根千

二百身行千二百意淨是為無數百千功德則
能嚴淨六根功祚彼人若令眼根清淨而以肉
眼覩諸所有滿三千大千世界諸味石蜜叢樹
下至無可大地獄中上至三十三天一切普見
悉能攝取故曰肉眼若有眾庶生其中者皆悉
見之咸曉了知罪福所趣於時世尊而歎頌曰

其持此經卷

勇猛處眾會

所說不怯弱

且聽斯名德

八百諸名稱

清淨目明朗

若已離諸垢

其眼所覺普

彼則以肉眼

而從父母生

覩諸佛世界

普見超神仙

諸山須彌山

又覩于鐵圍

并諸陵丘阜

而復察大海

默證住一處

普瞻靡不達

下至無可獄

肉眼為若斯

尚未獲天眼

亦不覩了知

肉眼之境界

根且覺輕便

佛復告常應時菩薩若族姓子族姓女說是

經典若為異類聲聞乘說者則便逮得千二

百耳名稱聞三千大千世界周而下至無可

大地獄上至三十三天超外神仙所謂聞者

象聲馬聲牛聲伎樂聲車聲啼哭聲愁歎聲
鼓聲鍾聲歌聲舞聲戲笑聲男聲女聲幼童
聲童女聲風聲音妙聲正法聲非法聲樂聲
苦聲力聲志性聲柔聲鹿聲天聲龍聲鬼神
捷杳和阿須倫迦留羅真陀羅摩休勒聲火
聲水聲地中聲比丘聲聲聞聲菩薩聲如來
聲三千大千世界所有音聲內外通徹一切
清淨以肉耳根悉聞衆生所說音聲尚未得
天耳而悉普聞曉了萌類諸聲亦不思惟觀
察黎庶本末所由又耳悉聞亦不求索一切
音聲又而順聞巍巍如是常應時菩薩大士
未得天耳而耳所聽乃如斯也佛說此已欲

重解義從後頌曰

鮮潔摠攝若干品類清淨之耳千有二百
於是世界以是聽省聞其音聲無有遺餘
有六情者則而聽聞車牛諸乘象馬音聲
拍手擊鼓悲好音樂鐃鈸拍拂亦復如是
伎樂柔和其音殊好雖在於彼無所染著
聞無數人諸可講說彼人等倫所當分別
皆聞諸天天耳所聽常而降伏甘美柔和
男子女人諸啼哭聲童男童女所可作為
哀鸞之音及赤隼鴟鵂鶻鴞鴛鴦及與鸚鵡
其有棲跼於山林者悉得聽聞斯類音聲
地獄之中勤苦毒痛悲哀嗚呼所酷苦響

思想飯食所至求索興作發起所出音聲
諸阿湏倫居在于海諸響暢逸而各各異
於時法師停住於此有語言者尋時普聞
畜生餓鬼勞飢渴聲各各講說或鳴或吼
彼時法師默如立斯則得聽聞若干音聲
其梵天上所居諸天光音天上善究竟天
及餘竒特各各異聲法師普得悉聞此響
在安住世而出捨家諸比丘衆諷誦所行
分別現說他人志性法師悉聞是等說經
諸菩薩衆處斯境界所可諷誦為他人說
可集結義以為經典悉得普聞若干種音
其佛世尊為人御法而為衆生說無數經

獨在樹下 悉得聽聞 因其菩薩 能持是經
一切三千 是佛國土 無數衆生 音聲暢逸
若在室中 或復處外 所言麤細 悉普聆採
悉聞一切 群萌音響 於諸音聲 亦無所著
處處悉知 他人表裏 其耳清淨 聽徹如是
斯人尚未 得天耳光 適覩因緣 尋能即聽
於時法師 功德如是 學斯經卷 名稱若茲
佛復告常 應時菩薩 若族姓子 族姓女 有持
是經卷分 別說者 若復諷誦 書著竹帛 得八
百鼻功德 諸根堅固 鼻根清淨 以是鼻根 三千
大千世界 所有諸香 皆得普聞 華香柔軟 香
須曼香 生香 傅飾鬚香 思夷華香 青蓮紅蓮

黃蓮白蓮若干樹木菓實熏陸香蘇合香華
香栴檀香木蜜香青木蜜香種種衆香百千
殊品處處生者諸質朴香人所嗅香男子女
人童男童女香皆自聞服己身之香象馬六
畜飛禽走獸香諸樹木香諸樹木間含血品
類香諸妖魅香至誠香天上香比陀美香晝
度樹香意香大意香柔軟香大柔軟香諸天
香天宮香帝釋身香知所生處於講堂上敲
樂弦歌所當修設諸天法則爲忉利天諸天
說法從地踊出自然生者歌戲利義天王女
香童男女香以是因緣假生梵天諸天子等
諸大天人大梵身香且香各各從身流出諸天

雜香無數百千其名各異聲聞緣覺菩薩大
士如來遊居所開化香其法師者於此間任
所去殊遠不到其前亦不近邊不往就嗅悉
聞彼香不愛不求亦不思念亦不拈香而嗅
知氣以一心任在於衆會悉分別說如是諸
香心亦不著無所慕求於時世尊而歎頌曰
其人鼻根清淨如是若干種香所聞甚多
於是世界一切所有諸所可生香香甚好
又有諸形華植之香栴檀諸香種種異品
其諸華實各各異類微妙好熏衆木蜜香
男子女人僮子女類其心頓處各各異品
人間所生諸香參差在在滋殖青蒼雜還

又知大國轉輪聖王所據柔仁自由力強
於彼所有羅縷字名衆衆異香皆分別之
財物珍寶若干甚多藏去著之於何所地
有玉女寶及餘珍異時彼菩薩悉曉了香
是等體者所有瓔珞珠環莊嚴衣服端政
或時在座若寢牀卧以香塗身菩薩悉知
歌戲娛樂一切神足明喆智者鼻力悉聞
若有奉持此經善訓以伎妙香及麻油香
若干種類及華實香所在安任又臭悉知
其於某處有此衆香悉能分別若干種者
而於山巖中間所有無央數種栴檀華香
又復人民諸所有香居止于彼一切了知

若轉輪王所可愛喜或有潛處在于海中
若於地穴所生虫蛾鬲者皆練此輩衆香
知阿湏倫妃后子女并及臣民皆分別識
阿湏倫王歌儻戲笑其鼻悉嗅如是果報
若於曠野四徼道中多有師子虎狼龍象
水牛眷屬諸所種類特牛牯牛悉能知之
若有女人隨其喜樂假使童子及童女衆
有若懷軀身體疲極以香分別腹中男女
復自知識身所從來又亦曉了義法科律
探覩其人安隱苦樂童男力勢福應所獲
男女所願衆多悉知而覩嗅別諸所願香
已自可意如是無盡又復嗅別身寂然者

其自處在地中諸藏財物珍寶金銀雜色
柔軟珊瑚形如紫金所止頓處悉嗅知之
諸貫瓔珞明月珠寶世間載有人所不及
用鼻悉嗅知其好醜行來進止別其善惡
諸天在上虛空之中意華諸華柔軟音華
衆會之中所有諸華以鼻勢力任此悉聞
其諸天人所有宮殿上妙下極及中間宮
種種之品如斯色像於此任立鼻力嗅之
又復分別遊觀之園諸天之法衆剛寂然
亦復曉了尊妙宮殿諸天子等所遊戲處
於是建立悉嗅天香以香分別諸天子黨
任於何法興何等行所在遊居悉聞其香

諸天王女所畜華菓諸寶瓔珞周旋娛樂
於時菩薩悉識其香三十三天至第一天
諸天大梵所遊宮殿彼以鼻嗅悉能知之
住已不住皆能曉了諸所遠近無不開達
終沒若生前世宿命以鼻嗅之知斯本末
其有菩薩持是經卷若有比丘順安住教
常修精進靜住經行若以至誠諷誦解說
其彼菩薩皆悉知之亦別聲聞最勝之子
常在樹下一身獨處其明喆者承臭悉覩
有某比丘處於某處悉能分別所在之處
其有菩薩意堅禪定常自娛樂諷誦講說
復為他人講演解法於時菩薩以香覺了

安住大人遊所在方愍哀行慈分別說法
在其中坐弟子圍遶以香識了法王所在
假使衆生得聞經法以得稟受心懷踊躍
時菩薩住於此悉見安住衆會一切所在
菩薩力勢如是色像尚未逮得天人之鼻
自然得是本之瑞應諸天之鼻無有諸漏
佛復告族姓子其有持是經典讀說書寫當
獲竒異舌根千二百功德舌根具足分別諸味
若得甘美變為天上自然飲食設服酢澁鹹
苦化成天饌滋味無量若入衆會講授法要
蒸庶欣載欽仰典則若入諍怒德音柔軟談
義辯慧清白知節慈愍通徹衆人歡和感味

餘響其從聞經言論美妙天人往造釋梵四
王清淨天身諸天玉女思僥往見天子龍神
龍神妃后阿湏倫阿湏倫妃后迦留羅迦留
羅妃后真陀羅真陀羅妃后摩休勒摩休勒
妃后捷沓和捷沓和妃后闍叉鬼神婦女比
耶反足鬼神婦女悉欲往覲誓首作禮聽受
經戒問訖義歸比丘比丘居清信士清信女
國王太子大臣群僚大力豪勢轉輪聖帝尊
重巍巍七寶具足太子眷屬王女采女又異
梵志君子居士州城郡國縣邑營從悉欲往
覲思盡形壽誓首歸命供養奉侍聽受經法
言誨和淑猶如世尊如來所歎面見思察逮

佛明慧深妙之要曉了如此自然而聞又知
世尊所向方面坐說法時於是世尊而歎頌曰
其人舌根則悉柔軟分別諸味簡練好醜
自然甘美如天飲食若干種味次第而至
音聲殊妙語言和雅聽受奇異意歡喜悅
在衆會者莫不欽敬又當演出深奧音響
其有聽聞所說經法觀察報應清淨億千
即生歡喜曉了尊上供奉經卷不可計量
諸天龍神蛟阿須倫常懷欽敬欲得見之
謙肅恭遜諮受經典其人名德獲致如是
於是世界發意之頃皆以音聲能遍告之
其響柔軟微妙殊特深邃儒雅而有限節

諸天豪尊轉輪聖帝欲得供養普往至所
皇后玉女悉俱义手而常元元聽稟經典
諸所鬼神善共宗重天捷沓和及諸營從
反足女鬼及諸男子普悉恭敬皆造奉侍
自在尊豪梵天之王大神妙天及諸天子
天帝梵尊天子枝黨無數玉女悉詣其所
世間有佛聖明導師聲聞弟子悉聆妙響
見所在處僉然護人察所講法悉用欣然
佛復告族姓子菩薩大士若聞是經持讀書
寫者逮得身行八百功德肌色光澤勇猛響
籟猶如瑠璃淨妙無垢所當作爲人民欽效
容止可宗進退致益彼已無易三千大千世

界衆生稽首爲禮普佛國土群萌好醜鮮色
惡色生趣善惡鐵圍大鐵圍小山大山人所
居處下至無可大地獄中上至三十三天自
以威德普悉見之於此世界聲聞緣覺菩薩
如來所可遊居講說經法以己威光都皆覲
足所以者何身行清淨之所致也於時世尊
而歎頌曰

彼人已身所行清淨譬如瑠璃而無瑕玼
爲一切人所見愛敬其有持此微妙經卷
猶如明鏡見其面像見世形類亦復如是
目覩本末及見他人其身清淨如須彌山
於斯世界所有衆生諸天人民蛟阿須倫

地獄餓鬼及諸畜生悉見身體及面顏容
諸天所有宮殿館室土山石山及諸鐵圍
雪山須弥及諸太山悉得覩見其所在處
以大威聖瞻見諸佛一切聲聞及佛弟子
若有菩薩獨在屏處所說經法悉能知之
其身清淨亦復如是悉覩見于一切世間
以俗之身覺了如茲斯人尚未獲成聖道
佛復告族姓子菩薩大士如來滅度後若持
斯經諷誦解說得千二百意根清淨德其人則
以清淨意根靡不貫暢聞一頌者所究弥廣
多所達了以弘覺了便能一月講說經法四
月一年綜練所歷憶念不忘凡俗所爲販賣

賈作語言音聲以法皆覩次第分別不失其
緒三千大千世界諸六趣生皆知其心所念
善惡如應不應中爲沙門聖非聖者普見不
應意志清淨不復思惟自然分別說法義趣
言皆至誠有至講者皆亦承說如來所詔一
切割皆往古最勝經卷於時世尊而歎頌曰
其人意根清淨皎潔光徹鮮明見心所念
猶是之故曉若干品瑕穢昇賤好惡中間
若聞一頌能奉持者解無央數明喆義理
一月四月若至一年所說善惡不違至誠
於斯世界中間所苞若有群萌種種品類
諸天人民及阿須倫伎神異類及諸畜生

六道之中所有黎元是等思想若干種念
持是經者各各異意一時之間悉覩知之
諸佛大聖百功德相一切悉爲世間說法
登時所講普得聽聞所說清淨即能受誦
前世更歷所學經卷長夜所講當綜解之
有常所演經典之要得衆會中無所畏憚
其有持經部分光揚卒未遭值衆想之患
枝黨群從悉爲良賢意根明達亦復如是
菩薩所任未曾有地普爲衆生分別說經
其能受持安住正法巧便億亶則知所應
正法華經常被輕慢品第二十
於是佛告得大勢菩薩是故當知其有比丘

比丘尼清信士清信女持斯經典假使四部
罵詈誹謗出鹿穢辭呵制止之罪不可限設
復有人聞是經卷受持諷誦為他人說廣解
其義獲上妙福如斯儔類佛所咨嗟眼耳鼻
口身意清淨而無蔽礙

又告得大勢乃去往古久遠世時不可稱限
廣遠無量不可議劫有佛号寂趣音王如來
至真等正覺明行成為善逝世間解無上士
道法御天人師為佛眾祐劫名離大財世界
曰大狂佛語得大勢寂趣音王如來普為諸
天自境界人講經化導興聲聞乘演四聖諦
度孝病死使近涅槃解十二緣所由從起為

諸菩薩講六度無極使至無上正直道現如
來慧所行牽連佛壽四江河沙億百千姪劫
佛滅度後正法住立如一閻浮提億百千姪
塵數劫其像法立如四天下億百千姪塵數
劫又語得大勢其佛滅度後像法沒盡次復
有佛續号寂趣音王展轉相承二十億千如
來正直等正覺明行成爲善逝世間解無上
士道法御天人師時此諸佛次第滅度正法
沒已像法次盡彼世比丘憍慢自大越背法
詔有一比丘名曰常被輕慢爲菩薩學何故
名之常被輕慢其開士見比丘比丘居清信
士清信女無謂之曰諸賢無得憍慢自高所

以者何諸賢志趣當尚菩薩如來至真等正覺以是方便順所緣義為諸比丘講菩薩行不受所誨不肯諷誦遙見四部仍謂之曰我身終不輕慢諸賢仁普當學菩薩高行得至如來至真等正覺佛語得大勢余時四部得聞此言咸興恚怒毀訾罵詈此一比丘不問吾等不見人心反自言高去見人心授我等決當成無上正真等正覺人所不欲非常之事而為人說又語得大勢若一比丘行值大雨蒙佛威神如被覆蓋身不清濁雖見罵詈心不恚恨面色不變若聞其言增不喜者以瓦石擲續遙舉聲而教之曰勿行輕慢修忍

辱心發菩薩意所以者何尔時比丘比丘尼
清信士清信女貢高自大數數聞見大士教
曰吾心常謙不輕諸賢雖見罵辱心無增減
彼等四輩因共名之常被輕慢斯一大士臨
欲壽終得聞寂趣音王如來講正法華經二
十頌本深妙之義億百千事大士臨終踊在
虛空唱揚大音歎斯經典而告之曰仁當受
經亦當逮得如前淨眼耳鼻口身意亦清淨
已獲斯淨更即增益二十億姪壽逮得定意
復為衆人講是經典前時四部聞其所說而
毀呿之名此大士為常被輕慢逮自大者見
此大士微妙神力辯才慧力善權道力皆來

歸伏敬崇為友聽聞經法是輩等類餘不可
計無數億人便立無上正真道意時彼大士
壽沒之後便值二十百千億如來正真此諸
世尊皆為講說正法華經稍稍進前以是德
本復更值見二十億百千如來皆同一号号
雷鳴音王皆從得聞如斯經典復更值遇二
十億百千如來皆復同号名雷音王亦復
從聞正法華經受持諷誦為四輩說在所生
處常自然獲眼淨耳淨鼻淨口淨身淨意淨
視聽洞徹鼻通口辯身能輕舉意觀衆生心
普為四輩演斯經典分別其義佛語得大勢
常被輕慢大士供養奉事若干億百千數如

來已復更值無數億百千如來已復從受正
法華經以是德本自致無上正真之道成最
正覺得大勢菩薩欲知大士常被輕慢於寂
趣音王如來之世爲四部人說經法者不乎
則我身是假使尔時設不受是正法華經不
持諷誦爲人說者不能疾逮無上正真道成
最正覺備從過去諸佛世尊聞此經典受持
諷誦廣爲人說致最正覺尔時比丘比丘尼
清信士清信女其一大士爲說經言我行恭
敬不輕諸賢仁等當逮如來正覺道德之慧
又諸四部輕彼大士罵詈形笑不自改者二
十億千劫所生之處常不值佛不聞經聲又

万劫中墮無可大地獄考掠燒炙痛不可言
罪以畢竟從地獄出以彼大士教化之故今
發無上正直道意皆得神通慧無罣礙今悉
現在佛語得大勢欲知尔時四部毀訾形笑
恚罵大士者不今此會中毘陀和等五百菩
薩師子月等五百比丘比丘尼今在佛前五
百清信士五百清信女等皆不退轉當成無
上正真之道佛告得大勢此正法華經其義
廣大威神無量一切无慶諸菩薩大士所當
欽尚如來滅後其受斯經持諷誦讀得福如
是逮成無上正直道於是世尊而歎頌曰
今我識念往古過事 佛名寂趣音聲之王

威神無量天人所敬為諸衆生人民講法
其佛最勝滅度之後然其正法最末出時
有一比丘為菩薩行因時号名常被輕慢
即時往至於比丘衆及比丘尼所覩顛倒
但勸化之志行佛道自宣我心不懷憍恣
罵詈輕毀每見形笑彼時常為使聞此言
假使得聞此經法時若復住立設有所作
時明慧者臨欲壽終用分別說此正法華
尋時報應增益壽命變現其身而得自在
處在虛空講說經典教化一切悉發道意
於時大士壽終沒後逮見諸佛億百千姪
稍稍漸漸開化入法為分別說於斯經卷

諸最勝子得成爲佛則我身是能仁如來
其諸比丘口喜誹謗衆比丘尼及清信士
彼時所有諸清信女彼蒙開化開經解慧
常當覩見無數億佛則毘陀和五百人是
諸比丘衆及比丘尼清信士女今現佛前
吾尔時悉令聞尊法皆開化之使得曉了
於今佛身滅度之後數數當受奉斯經卷
無數億億而當思惟未曾得聞如是之法
假使有佛億百千數常聞講說如是比經
是故以聞如是像典自在聖尊稱讚經典
我滅度後若有說此頻數當忍受正法華
正法華經如來神足行品第二十一

尔時于彼三千世界塵數億百千姪諸菩薩
等從地踊出者一切皆悉任世尊前僉然叉
手白大聖曰如來滅後布露經典遍諸佛國
及世尊土滅度之處於彼所在講說斯經多
所益利若有受持此妙典要誦讀書寫爲人
說者德不可量於時溥首處於忍界諸菩薩
無數億百千姪受比丘比丘尼清信士清信
女諸天龍神捷沓和阿湏倫迦留羅真陀羅
摩休勒及人非人如來皆爲神足變化如來
至真等正覺爲現瑞應悉得柔順法忍皆令
書寫正法華經化異世界億百千數諸菩薩
等各各坐于諸寶樹下師子座上尔時能仁

世尊及此一切如來正覺現其神足具足充
滿百千歲中有所興立應時百千歲中功德
自然而大光明滅除陰雲彈指之頃自然有
聲靡不通達十方佛國一切世界六反震動
諸天龍神阿湏倫迦留羅真陀羅摩休勒承
佛威神各隨所住無央數千佛世界普悉覩
見斯忍佛土又諸如來十方無數億百千姪
各各自坐諸寶樹下師子座上能仁如來多
寶世尊於彼七寶廟寺講堂自然嚴淨師子
之座威耀顯赫無數無限不可計會億百千
姪菩薩大士及四部衆見斯變化心中愕然
驚喜無量得未曾有則聞空中音聲而歌頌

曰仁者欲知過是無限不可思議億百千姪
諸佛世界有佛世界名曰忍土於彼有佛号
能仁如來爲諸菩薩大士講正法華經方等
典詔一切諸佛普護斯經用救菩薩大士以
故諸賢心當質直清淨誓首歸命勸讚奉侍
供養彼能仁正覺於時衆生聞虛空中自然
之音有佛世尊号曰能仁適聞名稱應時叉
手以若干種華香衣服幢幡雜香舉手各各
散忍世界瓔珞珠璣諸貫真珠如意寶珠而
供養之其華香幢蓋瓔珞珠璣明月寶珠自
然入於忍世界尋時合會爲寶華蓋在於虛
空悉覆諸佛及菩薩上彼時世尊告諸異行

及佛前住諸菩薩衆如來正覺功德威神不可思議諸族姓子於無數億那術百千劫說此經義不可究竟雖無央數若干種經所不能及不可限盡欲度彼岸難得邊際諸族姓子舉要言之假使有人欲了斯經要悉佛威神普諸佛法諸世尊界諸佛精進諸佛閑

居諸佛妙力示現是經故族姓子佛滅度後當以懇懃求此經典受持書寫精進奉行供養承事爲他人說設使有人賣此經行講讀書寫思惟奉宣著於竹帛若在精舍齋堂室宅大林樹下若在水邊當起塔廟所以者何則爲如來所處之地觀是道場佛所坐樹則

當察之一切如來正覺所遊群聖世雄轉法輪處十方諸佛在中滅度等無差特於斯世尊而歎頌曰

世愍哀法不可思議而常建立神通之慧而復示現普等明目衆生一切悉得歡喜其舌神根暢音梵天演奮光明億百千姦

諸群萌類覩見神足怪未曾有皆立大道又聖導師興一大光彈指之頃宣洪音聲印時普告一切佛土周遍十方諸佛世界如此變化及餘感動大聖所現瑞應如是如來尔時皆令歡喜佛滅度後奉是經卷安住宣暢功德之法無央數劫不可思議

持此經卷福祚之限導師咨嗟若干無量
欲盡其限不得邊崖猶如虛空不可窮極
名稱至德無能思惟持是經者淨德常然
則爲見佛大聖導師及吾於世滅度大通
及此一切諸菩薩衆并復覩此四部之會
其有值遇斯經典者則爲遭見今日衆會
佛滅度時亦復在此及彼十方諸佛世界
其有能持此經卷者則爲覩觀諸過去佛
及於十方今現在佛目自面見供養奉侍
志當悅意向人中上在於道場所可思惟
當速受持於此經典自然辯才無所罣礙
設本種命不能長者當分別曉於斯法義

便當受持於此尊經曉了諸經次第所歸
大聖世尊滅度之後假使有人至誠說者
分別此經義理所趣則講審諦諸經卷義
其人光明分別所覺譬如日月普照遠近
遊於天下在所至到勸化發起無數菩薩
是故智慧諸菩薩衆聞如是像經無等倫
我滅度後奉此經典其人不疑於佛大道
正法華經藥王菩薩品第二十二
於是宿華王菩薩前白佛言藥王菩薩以何
等故遊忍世界堪任無數勤苦之難善哉天
尊願爲十方諸佛世界菩薩聲聞雲集於斯
若有聞佛班宣藥王初發道心宿行功勳爲

今衆會及後來世普聞受持追學究竟天人
龍鬼諸尊神王僉皆悅豫發大道意自致正
覺度脫一切於時世尊見宿華王發心至誠
爲一切諸佛讚曰善哉善哉乃爲將來諸菩
薩施勸進後學令入道智諦聽諦聽善思念
之唯然世尊願樂欲聞佛言乃往過去江河
沙劫尔時有佛号離垢日月光首如來至真
等正覺出現於世其土壽命四万二千歲教
化衆生濟度危厄於時十方菩薩大會有八
千億諸聲聞衆七十二江河沙等又其佛土
而無女人三惡之趣阿湏倫八難之患其地
平正紺瑠璃色衆寶校成莊嚴清淨生衆寶

樹周迴圍遶珍竒瓊瑤周帀覆蓋豎諸幢幡
寶瓶香鑪燒衆名香一切樹下設寶牀榻坐
具嚴飾不可稱載諸坐具上有百千億諸天
坐之鼓諸音樂歌佛功德以爲供養於時其
佛爲諸菩薩及聲聞衆分別講說正法華經
時有菩薩名衆生喜見聞佛敷演散解義要
即奉佛法遵習苦行夙夜精進萬二千歲經
行不坐竟萬二千歲即便逮得普現三昧逮
是定已輒復思惟吾以逮是普現三昧便能
致此正法華經因逮定意踊躍歡喜心自念
言我當供養離垢日月光首如來至真奉正
法華經即如其像三昧正受處在虛空而以

天華雜香栴檀用供養佛應時佛所雨眾華雜
香普薰十方諸佛世界其聞香者悉得法忍
眾生之類和心相向眾生喜見菩薩從定意
起重自思惟雖用雜物供養於佛不能暢盡
至真之德以身供養亦乃無上尋如所念斷
絕五穀專食眾香眾華香汁而以飲之日使
身中內外皆香如是服香竟十二年復和眾
香以塗其體香油潤衣而立誓願以爲身燈
爲一切故即然其身供養諸佛以精誠故其
光遍照八十江河沙諸佛世界應時諸佛同
聲讚曰善哉善哉族姓子精進乃尔世之希
有斯真供養如來經典乃爲眾生忍苦不勞

超踰天人一切所行國財妻子施所不及供
養之中爲尊爲上爲最爲長爲無疇匹以身
施者乃成法施諸佛世尊歎是德已則便默
然於時菩薩自然其身千二百歲火故不滅
用一心故無有苦患於是之後火炎乃息勤
修精進供養法故於是終沒還生其世更復
值見離垢日月光首如來至真之士生離垢
施國王宮內自然化生結跏趺坐而爲父母
說此頌曰
尊王識念我本行
所重愛身以用施
堅強勤修大精進
建立住此逮三昧
說此偈已啓其父母離垢日月光首如來至

真今故現在吾往昔時至心供養因是逮致
了一切音摠持法要是正法華無上經典學
中要者經卷本有八十姪百億那術姪偈當
一心思何所造作立佛像摸而常心中而無瞋
怒此正法華菩薩所行吾本宿世習若干千
億百千姪從彼如來而聞受之離垢施王
讚其子曰善哉善哉當共俱往躬身當覲供
養聖尊說此言已與父王俱踊在空中去
地七仞經行虛空足不蹈地其身正坐七寶
瓊瑤珍竒帳中往詣佛所叉手禮佛以頌讚曰
人中之尊顏姿離垢其光巍巍照於十方
吾本供養聖尊無極今復自親故來奉面

余時衆生喜見菩薩大士說此偈已前白離
垢日月光首如來至真世尊垂恩愍哀十方
故復現在訓誨一切度脫衆生無不蒙賴時
離垢日月光首如來告衆生喜見菩薩今時
已至吾欲滅度以此法教而相囑累佛因其
時至所教周悉亂世欲到吾捨去矣爲佛施
座今取滅度又告之曰以斯經典重相囑累
普令流布等潤十方咸使一切皆蒙福慶衆
生喜見則曰受教其佛夜半便取滅度於時
菩薩衆生喜見見佛滅度以栴檀香竒異妙
香闍維佛身取其舍利香汁洒之感慕哀泣
淚下如雨修造寶瓶八万四千立七寶塔高

至梵天莊嚴幢蓋懸衆寶鈴心自念言吾已
供養出尊舍利當復更事超過於前告諸菩
薩及大聲聞諸天龍神一切人民諸族姓子
咸共思念出尊舍利普共供養

於是佛告宿華王菩薩當今世時衆生喜見
菩薩勸率衆人供奉舍利八万四千塔於塔

寺前建立形像百福德相然無數燈燒香散
華光顯道法供養奉事七万二千歲供養訖
竟在其衆會化無數千諸聲聞衆開諸菩薩
皆令逮得普現三昧見衆菩薩逮立定已自
現其身諸根缺漏諸菩薩衆及諸弟子天龍
鬼神舉聲號吡淚下如雨是族姓子衆生喜

見菩薩大士是我等師開化我黨今現缺減
諸根不具是故悲酸不能自勝於時衆生喜
見謂諸菩薩及大弟子諸天龍神吾建要誓
至誠之願如我所言隨順不虛我此手臂成
紫金身令我手臂平復如故地當大動於虛
空中雨衆華香所言適竟地即大動天雨衆
華尋時手臂平復如故衆生喜見欲度一切
因示現此慧力所行福德功勳勢力所致佛
告宿華王菩薩欲知今時衆生喜見菩薩大
士今藥王菩薩是又族姓子菩薩勤苦不可
稱計投身棄命無有限量常建大乘志無上
道興發大功無極之德於如來前然一足指

功德難喻況然其身以為供養勝施國土妻
子血肉設以珍寶滿佛世界布施供養諸佛
聖眾福德雖多不及於彼所以者何福報有
盡無益眾生若族姓子女受正法華一四句
頌分別奉行為人解說比其福施万不如一
猶如巨海万川皆歸此經如是一切諸法最
為元首猶若須弥眾山中高如盛月滿星中
最明大慧光明照耀三界為諸法首無上道
王猶如日出普照天下消眾幽冥此經如是
蠲除一切愚癡闇蔽皆入道明猶天帝釋切
利天上諸天中王此經如是一切諸法眾經
典主攬持十方度脫一切猶梵天玉處第七

官制御諸天莫不奉命此經如是普濟衆生
學與不學教導三乘行君父業猶如四道及
至緣覺皆越一切諸凡夫學正法華經亦復
如斯皆超一切上中下乘處衆生之原化諸
不逮猶如菩薩所行高遠過諸聲聞緣覺之
業覆護三世此經如是調御諸法悉令成就
無上正真猶如世尊三界法王被道服飾三
十二相誘衆愚蔽此經如是從菩薩學乃至
如來開導聲聞諸緣覺等皆使成就無上正
真猶族姓子斯經典者爲三界護度脫衆生
危厄之難飽滿飢虛衆情之患寒者溫暖熱
者清涼有裸露者皆得衣服開導衆生悉令

入道猶如導師將護衆賈菩薩如是養育衆
生若如慈母譬如船師度人往返菩薩如是
周旋三界度脫一切滅衆闇冥猶如炬火化
生老死猶轉輪王制御四域此經如是以聖
道明照曜三世猶如大明消天下冥此經如
是致不退轉無所從生忍至成佛道

佛告宿華王菩薩斯經典者度脫一切衆苦
之患拔斷諸垢三毒痲疾救濟生死諸繫牢
獄若聞此經尋即解了能書寫者其功德福
無能稱計何況聞持懷抱誦說華香供養雜
香澤香然燈幢幡若有聞持藥王菩薩往古
學品受持思念之其福過彼衆物供養不可

稱載若有女人聞此經法尋即受持便於此
世畢女形壽後得男子若有女人於五濁世
最後末俗聞是經法能奉行者是壽終生
安養國見無量壽佛與諸菩薩眷屬圍遶生
寶蓮華坐師子座無婬怒癡除去衆結亦無
貪嫉未曾懷恨適生其國得五神通逮不長

轉不起法忍已逮法忍輒得覩見七十二億
兆載江沙諸如來衆適見諸佛眼根清淨眼
根已淨所見一切十方諸佛遙讚歎之善哉
善哉族姓子汝乃值是能仁佛世聞佛所說
正法華經受持諷誦爲他人說此功德福火
不能燒水不能漂盜賊怨家縣官不侵千佛

嗟歎不能究暢所獲功祚不可限量巍巍如
是緣斯功德降伏衆魔棄諸怨敵度生死難
周旋諸患又族姓子以是經法伏衆惡逆爲
諸千佛所見建立擁護汝身天上世間而無
疇匹自捨如來未有聲聞及諸菩薩功德福
祐智慧定意無有等侶佛告宿華王菩薩若
有人受是經者所逮聖明勢力盛德超越若
斯是故仁者若有講說此藥王品有讚善者
後生爲人口中自然優鉢華香身栴檀香若
聞此經讚歎善者其人現在功德遠聞佛已
豫歎其人功勳佛告宿華王吾以是經囑累
汝等衆生喜見往古法品最後末俗五濁之

世流布天下閻浮利內無能中壞其魔波旬
不能得便及魔官屬邪神鬼魅無能害者天
龍羅刹鳩洹獸鬼無敢當者又宿華王是藥
王品威德所立所流布處若有疾病聞是經
法病則消除無有衆患因是功德後致正直
無老病死若有比丘最後末世手執青蓮滿
盛雜香供散法師心自念言假使有人求菩
薩乘至此道場吾授斯華以爲草坐敷佛樹
下降伏衆魔具足法鼓吹大法螺緣此濟度
生死之海若大乘學見諸比丘持是經卷當
觀其人功德如是佛說是藥王菩薩往古品
時八万四千菩薩即逮得曉一切音方便愬

持於時眾寶如來讚言善哉善哉宿華王菩
薩卿能諮啓不可思議經典行業如來講說
何以快哉

正法華經卷第九

捎拂上所交反唯乃子委反鷓鴣上音交下音精酷苦毒反竿

香上音賁四徼音特下音字特父也四徼音下

道也蘇困遜蘇困遜私遠也響虛掌反餼下許既

也蘇困遜私遠也響虛掌反餼下許既

之所詳今割下先擊反皙白也苞恐非

必交徒旦反懼鹿獷下俱漬弱下奴的反

風蒲末著於上張慮反玳瑁前文作酒洗

號

吡
挑二字音毫
大
哭也

悲
酸

官下蘇

裸

郎

反

赤

體

也

胡



